

(<https://news.usm.my>)

Berita Mutakhir

05
DEC

KARYA 'ALAMAYA SE-ADANYA' MOHD YUSOFF OSMAN SELAMI KEUNIKAN ALAM



USM, PULAU PINANG, 4 Disember 2016 - Keunikan dan ketenangan yang membawa pelbagai penceritaan melalui rahsia alam mencetuskan ilham buat Mohd Yusoff Osman mencipta karya terbarunya 'Alamaya Se-Adanya'.

Hasil coretan beliau melalui lukisan yang penuh dengan penghayatan di sebalik rahsia khazanah alam telah beliau kongsi di Muzium dan Galeri Tuanku Fauziah (MGTF) bermula 1 sehingga 24 Disember 2016 ini.



Kepakaran dan pengalaman luas Mohd Yusoff selama 40 tahun dalam seni lukis, penulisan cerpen dan pengarah teater membuatkan beliau terus berkarya dan kali ini simfoni alam menjadi jalan cerita perjuangan seni beliau.

Majlis pelancaran pameran solo beliau turut diadakan di MGTF, USM yang dilancarkan oleh Pensyarah Pusat Penyelidikan Wanita dan Gender (KANITA) USM, Prof. Dato' Dr. Rashidah Shuib.

Prof. Dato' Dr. Rashidah Shuib dalam ucapannya berkata, USM sentiasa mengalu-alukan kedatangan ilmuwan dan karyawan seni seperti Mohd Yusoff atas dasar pengalaman beliau yang luas dalam seni halus dan sesuai dikongsikan kepada pelajar USM.



"Saya amat berbangga dan berterima kasih kepada Mohd Yusoff Osman kerana memilih USM untuk berkongsi ilmu dan pengalaman di sini yang menghimpunkan 31 karya seni halus dan 20 daripadanya adalah karya terbaru yang belum pernah dipamerkan kepada umum."

Tambahnya lagi, USM amat dikenali sebagai sebuah universiti yang sentiasa berkolaborasi pelbagai usaha libatsama komuniti seperti usahasama pameran yang bersifat pelajaran dan pembelajaran ini.

"Saya berharap usaha pihak MGTF ini dapat memberi impak yang signifikan kepada universiti dan masyarakat umumnya."



Kepada yang berminat bagi menyaksikan sendiri karya seni halus beliau, dijemput ke Muzium dan Galeri Tuanku Fauziah (MGTF) USM bermula 1 sehingga 24 Disember 2016.

Maklumat lanjut boleh menghubungi talian 04-6532427/4789 atau emel: mgtfusm@gmail.com (<mailto:mgtfusm@gmail.com>) atau aizuan@usm.my (<mailto:aizuan@usm.my>), atau layari laman web di alamat:

www.mgtf.usm.my (<http://www.mgtf.usm.my/>).

www.mgtfusmpenang.blogspot.com (<http://www.mgtfusmpenang.blogspot.com/>).

www.facebook.com/mgtf (<http://www.facebook.com/mgtf>).

Teks: Mohd Azrul Mohd Azhar / Foto: Mohd Fairus Md. Isa



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>).

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>).

[Client Feedback / Comments \(http://web.usm.my/smbp/maklumbalas.asp\)](http://web.usm.my/smbp/maklumbalas.asp) | USM News Portal. Hakcipta Terpelihara USM 2015